



PARAU FA'ARARA'A NĀ TE MAU VE'A #14

Mai te 'omuara'a 'o teie ma'i 'i te fenua nei e tae roa mai 'i teie mahana, teie te mau nūmera : 583 ta'ata tei hi'opo'ahia, 40 ta'ata tei ro'ohia 'i te ma'i COVID-19 (hoe ta'ata ma'i 'āpī tei 'itehia' e tiro tiro to roto ia na), hō'e noa ā ta'ata 'e vai nei 'i te fare ma'i. 'E te parau 'oa'oa, 'aore ā ta'ata i fa'aru'e mai.

Teie taata api tei hiopoa hia, e ua ite hia tei roto ia na te tiro tiro COVID-19, no te oire Hitia'a o te ra.

Te mau nūmera 'i teie mahana

Taatoara'a o te mau ta'ata tei ma'i hia i te COVID-19

40

Rahira'a ta'ata tei ma'i hia i te COVID-19 e o tei tapea hia i te fare ma'i

- no teie taimē

1

- mai te ha'amatarā'a no teie ma'i

3

Rahira'a ta'ata tei rapa'āu hia i roto i te piha rapa'āura'a ma'i fifi


0

Rahira'a ta'ata tei fa'aru'e mai no te ma'i COVID-19

0

Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i

Fig. 1. . Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a mai



No roto mai : Piha hiopoa'a i te mau ma'i, Faaterera'a nui no te ea

Te mau terera'a manureva : na te ara, i farāni e i roto i te mau ta'a motu no porīnetia

Te hi'o papuhia nei, te mau hora atoa, te terera'a manureva 'i Shanghai. Ua ineine roa te mau tauiha'a ta tātou i poro'i. Te ti'a'ihia ra te parau fa'atia na te hau tinito no te rere atu mai Narita e haere atu i Shanghai. I mua i te uanara'a te mau poro'iraa tauiha'a, ua ha'apu'ai te hau tinito i tāna mau hi'opo'ara'a i te mau poro'iraa a te mau hau fenua atoa no te ao nei.

No te mau terera'a manureva, tei mana'ohia e ia tupu i rotopu ia Tahiti e o Paris, te ti'a'ihia ra te haapapura'a no te mau taiete manureva no taua mau tere ra. Na teie mau tere e fa'aho'i mai io tatou nei te mau tauiha'a ta tatou e hinaaro ra (te mau materia no te hi'opo'ar'aa, te paruru vaha, te rimarima, te ahu, e te vai atu ra). Na teie atoa mau manureva e uta atu to tatou mau ta'ata ma'i mai Tahiti, e haere atu i Paris e no to ratou atoa ho'ira'a mai. Eita te mau horo patete e fa'ari'ihia.

Te faaineine atoa ra te pū ti'a'aura'a i te fifi ma'i COVID-19, te tahi mau tere i roto i to tatou mau ta'a motu no te mau tapura 'ohipa utuutura'a ma'i.

Te mau hi'opo'ara'a : e uana atu a

E rave te pū maimiraa Malardé i te tahi mau fa'anahora'a apī no te mau hi'opo'ara'a o te tiro tiro o te ma'i COVID-19. E tupu atu ra ia teie mau ma'imira'a i te hora po'ipo'i, eiaha fa'ahou atu ra i te tahara'a mahana. E rave hia teie mau tauiuira'a no te opuara'a e fa'a'uana atu a teie mau hi'opo'ara'a.

E puhara hia atu te mau numera i te tapati pae no eperera e te mahana piti hitu no eperera.



Te amui otahira'a o te feia e horoa noa na i to ratou taimē

E pūhara hia atu teie hepetoma i muri nei te faanahora'a o teie amui otahira'a o te mana'o turu. Te fā no te haputuputura'a i te faanahora'a i te 'ohipa a te feia e horoa noa i to ratou taimē e na reira atoa te mau tapura 'ohipa no te arora'a i teie ma'i fifi COVID-19.

Nō te parurura'a ia tatou : te paruru vaha

I roto i te parau no te mau ravea parurura'a ia tatou i mua i teie ma'i fifi, mea rahi roa te mau uiuira'a i nia i te paruru vaha.

Ua papu maitai ia tatou e, e mea faufaa roa teie mau paruru vaha no te mau feia rave 'ohipa atoa o te ea (taote, utuutu ma'i, vahine fa'afanau, e te vai atu ra), no te paruru ia ratou i mua i te ta'ata ta ratou e rapau atu : feia tei roto ia ratou te tirotiro COVID-19, e na reira atoa te mau ta'ata te mana'o hia ra e e ua piri ratou i te hoe ta'ata ma'i. E paruru noa teie mau puohu vaha i te ta'ata auaha'atira ia ratou, eita ra oia e opani i te tirotiro ia tere atu.

E nehenehe teie mau paruru vaha no te mau rave 'ohipa o te ea e mono hia atu i te paruru vaha haamanihia i te ahu. I reira ra, eita ia te ta'ata e tapea fa'ahou i tona rima i ni'a i tona vaha. No te paruru ia tatou i mua i teie ma'i fifi te faaha'amana'o hia fa'ahou atu nei ia tatou, ia faaohipa i te mau ravea parurura'a ia tatou (horoi i te rima, ma'i tehe i roto i te fatira'a rima, faateatea i outou e piti ae metera e te vai atu ra).

Ua faaineine te mau rave ohipa o te ea i te mau apī parau no te haamanira'a e no te faaohipara'a o teie mau paruru vaha haamanihia i te ahu :

<https://www.service-public.pf/dsp/wp-content/uploads/sites/12/2020/04/2020-04-01-fabrication-masque.pdf>

<https://www.service-public.pf/dsp/wp-content/uploads/sites/12/2020/04/2020-04-01-bonnes-pratiques-masque-tissu.pdf>

Te ARAIRA'A 'i teie ma'i. 'E mea faufa'a 'ia fāaha'amana'ohia, 'e'ita teie tirotiro 'e parare noa, nā tātou ra 'e ta'ita'i nei iana no reira tatou 'e titauhia ai, ia fa'aea 'i te fare.

MĀURUURU E FA'AITOITO